

دینی ، علمی ، ادبی واجتماعی

سنه

ه

مخفل

۱۳۳۸

جلد

ه

مجموعۃ اسلامیت

شیمدیلک عربی آیلری ابتداسنده نشر اولونور .

صارف ، مدیری ، محرری :

ربیع الاول

۱۳۴۳



جزء

۵۳

شرائط تحریر: اسلامک نفعنه خادم یازیلر مع التشر قبول ونشر اولونور . یازانک شخصی دکل ، یازینک ماهیتی نظردقته آلینیر . کونده ریله جک آثار او قوناقلی ومختصرجه یازیلش اولمالیدر . کلن یازیلردن شایان قبول کورولنلر تاریخ صیراسیله درج ایدیلیر .

شرائط اشرا: هر سنه نك برنجی وایکنجی آلتی آیلغندن اعتباراً آبونه قید اولونور . سنه لکی پوسته اجرتیله برابر : ۱۰۰ ، آلتی آیلغی : ۵۰ غروشدر . ممالك اجنییه ایچین ۲۰ و ۱۰ غروش علاوه سی لازمدر .

مخفل

۱۳۳۸

مجموعه سنك چكن سنه لره عائد وپك چوق معلومات مفیده یی جاوی اولان نسخهلری منتظماً دیکیلمش واوزه دلرینه قالین بررقایاق کچیرلهرک مجلد کتاب حالته کتیریلشدر . خیرالانیس اولاییله جک بونفیس کتابلردن برنجینسك موجودی یتمش ، ۷-۱۲ نجی نسخهلری پراکنده اولارق قالشدر . بهر نسخه سی ۱۰ غروشدر . ۲۰۳ و ۴۲ نجی جلدلرک بدلی ده پوسته اجرتیله برابر یوزر غروشدر . طوغرودن طوغرویه اداره خانه یه ۲۰۰ غروش کونده ریلدیکی صورتده هراوج جلدی یوللانیر .

نسخه سی ♦ ۱ غروشدر .

مجله دینی و علمی :

مولد النبی علیه السلام :

بوندن علی التقریب ۱۴۰۶ سنه قریه مقدم
مکه نك بنی هاشم محله سنده کی برأوده (وہب بن عبد
مناف) کرمہ مکرمہ سی (آمنہ الکبری) حضر تارندن
بر شمس ہدایت طالع اولمش وجد کریمی (عبدالمطلب)
طرفندن اوضای ہدایہ (محمد) اسم شریفی قونولمشدی .
اللهم صل وسلم علیہ عدد لطفک واحسانک الیہ .

زمان ولادت - اشہر اقوالہ کورہ - ربیع الاولک
اون ایکنجی کونہ مطلع اولان کیجہ نك سحر
وقتی ایدی .

نور نوظہورہ قارشی ذرہ بیلہ اولامایہ جغنی
بیان کونش ، ہنوز موقع احتجاج بندن چیقما مشدی .
اضواء شمسدن اول عالمی پارلاتان اونوزاد منیری :

ای صبح سعادت زجین تو هویدا
آن حسن چہ حسنست تقدس وتعالی
تہنہ سیلہ بوتون آفاق اشواق آلفیشلامش
ودینہ بیلیرکہ یالکز او آن ایچین چہرہ خاورده
سعادتلی بر صبح صادق تجلی ایتشدی .

ابوالارواح عالم صلی اللہ علیہ وآلہ وسلم افندیز ،
اوکسوز اولارق طوغمش ، اودر یتیمک صدف
غییدن اظہاری خدمتندہ - عبدالرحمن بن عوفک
والدہ مسعودہ سی - (شفاء) خاتون بولونمش ،
سیای یتیمانہ سی دە ید قدرت الہیہ ایلہ نوازش
بویورولمشدی .

تا صمیم روحک مہمانی بردر یتیم
کیم اونک گیسوسنک دست خدادر شانہ سی
چونکہ : والد ماجد پیغمبری (عبدالله بن
عبدالمطلب) حضر تازی ہنوز یکرمی بش یاشارندہ
بر کنج ایکن برای تجارت مدینہ یہ واورادہ خستہ لانہ رق
عالم آخرتہ ارتحال ایلہ مشدی .

فیاتی ۱۰ ، پوستہ اجرتی ۲,۵ غروشدر . مرکز
توزیعی : بایزیددہ حکاکر چارشیندہ ۴۷ نومرولو
کتبخانہ در . مجلہ ادارہ خانہ سندہ بولونہ جقدر .

آثار منتشرہ :

الزہراء

قاہرہ دہ (سلفیہ) مطبعہ و کتب خانہ سی
صاحبزندن (محب الدین الخطیب) افندی طرفندن
یوقاریکی عنوان ایلہ برسالہ نشر ایدیلکہ باشلادیغنی
ادارہ خانہ مزہ کلن ۱۵ محرم ۳۴۳ تاریخی نسخہ سندن
اوکرہ نديک .

الزہراء رسالہ سی ، ہر شہر عربینک اون
بشندہ نشر اولونویور و علمی ، ادبی ، اجتماعی
مباحثی حاوی بولونویور .

بو رسالہ نك اعلانات قسمندن ، خالدہ ادیب
خانمک (آتشدن کوملک) روماننک (قیص من نار)
نامیلہ عربیہ ترجمہ ایدیلش اولدیغنی آکلادیغمز
کبی عیناً تورکچہ لشدیردیکمز آشاغیکی سطرلری دە
عالم اسلام قسمندہ اوودوق :

« غزته لرك نقلنه کورہ عجمستانده کی ہمدان
شہرینک بلدیہ سی ، امیر المؤمنین علی کرم اللہ وجہہ نك
بر ہیکلنی یاپدیرمش واوستندہ کی اورتونک رفیلہ
رسماً کشادی اثناسندہ بلدیہ رئیس (فریدالدولہ)
طرفندن امام مشارالہک سیر جلیلہ سندن مختصراً
بحث اولونمشدر »

الزہراء رسالہ سی ، بو حادثہ بی یازدقدن صوکر
« خلفای مسلمینہ شیمدی یہ قدر ہیکل یاپیلما سی
عالم اسلام سبقت ایتہ مشدی » دیور .

مطالعہ سی آثار عربیہ قارئینہ توصیہ اولونور .

عليه الصلاة افنديمزي والده مكرمه سي ايله
ابولهبك آزادلى جاريه سي (ثوينه) و (حليمه السعديه)
آميرمش . سوت نينه سي طرفدن كتير بيلدكن
وجناب آمنه ارتحال ايله دكن صوكرا (آم ايمين)
حضر تلري، خدمت نبويه ده بولونمشدى .

ايشته بو آيك اون برنجي كوني اقشامندن صوكرا
اوليله مباركه نك ۱۴۰۶ نجى دوره مسعوده سنى
ادراك ايدى جكر .

جناب حق، او مقدس كيجه نك وتولدى او كيجه يه
برقدسيت ويرمش اولان نبى اقدس وافخم صلى الله
عليه وسلم افنديمزي خرمته بالجملة اهل اسلامه سعادت
دارين احسان بويورسون آمين .

نعت شريف :

مستنير كدر سمانك آفتاب وماهى ده
مستجير كدر زمينك بى نصيب وشاهى ده
سن او يكتا رهبر حقسك كه اى مقصود دل
هپ سنى جوياء شو بونك رهروان وراهى ده
دلده آنجق نام پا ككله اولور وحدتما
لا اله نفي ده ، اثبات آلا الهى ده
اى ابد مكتوم اولان راز خدا ، ماهيتك
عجزه او غرا تمسدر استدلال واستكناهى ده
اى محال الحل معما ، اى مال كبريا
ايله مش دمبسته شرك عارف آكاهى ده
اى يكانه خاور مهرانل ، ذاتك سنك
ساده خلق الهى عاشق قيلما مش ، الهى ده
باب قدسيت مأ بكدردوتون عاشقرك
كهبة علياسى ده ، حاجتروا دركاهى ده
شوق بوس آستانكدر نسيمك گردشى
خاك پايك اولمادر هر ذره نك دلخواهى ده
رهكذار نازكه سريلمه در آمال گل
بلبلك خندهك نيازى ناله جانكاهى ده

شعله زار اشتياق كدر بو عبد محضك
روح محروق الفراق ، سينه آواهى ده
يار رسول الله قيلسين بر نگاه وصلتك
نائل فيض لقا طاهر كى گمراهى ده
طاهر الطرلى

تفسير لر - مفسر لر

روايتي اهمال ايدنلر آراسنده كى فرق :

بچن نسخدن مابعد :

ايمدى شو ايكى قسم ايله اولكى قسم آراسنده كى
فرق شو صورتله دركه : برنجي قسم نظر نده دقت
واعتنا ، الكزياده الفاظه در . ايكنجى قسم نظر نده ده
اعتنا ، او اعتقاد ايتدكلى و قرأنى اورايه ياناشد ير مق
ايشته دكلى و بو يولده استعاره لر ، مجاز لر ، كنايه لر
- ولو علاقات بعيدة ايله اولسون - بالارتكاب
ميدانه چيقار مق املنى بسله دكلى معنادر . بونلرك
شو حكمنى كورونجه ، كراقيمت اشيا يوكلنى بر
قطار ده وه نك ، ساربانك كوزه تديكى هدفه طوغرو
كال وقار ايله كيتديكى اثناده طريق رفتارينه
ديكيه لرك كندى ايشته ديكى سمتة ده وه لرى چو كرتوب
اوراده يوكلر نى ايند ير مك ايشته ين و بو خصوصده
هر فدا كارلنى كوزه آلان حريص بر آدم خاطره
كلير .

شيمدى شو ايكنجى قسم اركانك آيته
ويردكلى معنى والفاظى كنديلرينه طوغرو حمل
ايتك ايشته دكلى عقيدة ، يا واقع و نفس الامر
مطابق ونقوله موافق اولاجق و يا خود بويله دكل ده
محض خيالات فلسفيه و يا عقيدة باطنيه صوفيه
ويا خود اكاذيب شيعيه دن عبارت قالا جقدر . هر
حاله شو ايكى شقندن خالى دكلدر .

ايكنجى شقده بونلرك خطالرى هم دليلده ،
هم مدلولده در . چونكه : مدعا باطل واستدلال ده
يرنده دكلدر .